

АҚМЕШІТ

Жаннан қымбат оларға ар,
Мен жастарға сенемін.



Мағжан

№1 (538)
6 қаңтар, 2024 ЖЫЛ



Газет 2013 жылдың
қыркүйек айынан бастап шығады

ЖАСТАРЫ

Қызылорда облыстық жастар газеті

Жастар газетінде ЖАҢА РЕДАКТОР

«Ақмешіт жастары» газетіне жетекшілік жасаған Мәлдір Қалымбет «Kyzylorda-news.kz» ақпараттық агенттігіне бас редактор болып тағайындалды. «Ақмешіт жастары» газетінің бас редакторы қызметіне Айдар Сайлауов тағайындалды. Ол бұған дейін облыстық «Сыр бойы» басылымының тілшісі қызметін атқарған. Жастардың жаңа жұмысына табыс тілейміз.



Пайдалы платформа МЕДИЦИНАҒА

серпін берді

«Тәуелсіздік ұрпақтары» грантын иелену оңай емес. Оған озық ой мен тың идея керек. Жеңіске жеткеннің өзінде жобаның тамырына қан жүгірту маңызды. Мақсат мардымды, нәтиже нанымды болмаса құр қисаптан түк шықпайды. Ал сырбойылық жас Нұрлан Биімбет дарынын дәлелдеді. Жоба-жоспары да жүйелі.

– «Ақпараттық технология» бағыты бойынша Qmed бағдарламасын әзірледіңіз. Мұның мақсаты мен медицинаға ықпалы жайында сөз қозғасаңыз...

– Адамның денсаулығы – қоғам байлығы. Сондықтан жоба науқастың жағдайын жақсарту, саулығын қадағалау мақсатында жасалды. Qmed – созылмалы ауруларды өзін-өзі бақылауға арналған мобильді платформа. Салмақ, қан қысымы өлшеміне байланысты сауалнама жүргізіледі. Берілген жауап бойынша науқастар аурулар мен аймақтарға автоматты түрде бөлінеді. Ол жасыл, қызыл және сары аймақ. Жағдайға байланысты уақытылы дәрі-дәрмек қабылдау бойынша да нұсқаулық беріледі. Бұл мәліметпен медбике де хабардар болып, сол бойынша ем тағайындайды. Сондықтан медицина үшін пайдалы платформа екені анық.

Күйбең тірлікпен көбі денсаулыққа мән бермейтіні рас. Ал, бұл соның алдын алады. Яғни смартфоннан жағдайын бақылап, өмір сапасын жақсартуға мол мүмкіндік. Күтілетін нәтиже де жаман емес. Асқынуларды ерте болжау арқылы науқастың ауруханаға жатуы мен өлім-жітім деңгейін азайтады.

– Көптеген байқауда қомақты қаржы бөлінеді. Дегенмен «Тәуелсіздік ұрпақтары» байқауының артықшылығы қандай?



– Байқаудың басталатынын интернеттен көрдім. IT саласында 4 жыл жүргеннен кейін, жеңіске жететініме сенімді болдым. Сондай-ақ, бұл мемлекет басшысы тағайындаған грант, республикалық деңгейде өтетін байқау болғаннан кейін әділ өтетініне үміт арттым. Негізгі артықшылығы да осы деп білемін. Осы уақытқа дейін іс-шараларға қатысып, көптеген жобаны жүзеге асырдым. Қабілетімді шыңдап, тәжірибе жинап келемін.

Елімізде дарынды, білімді жас көп. Қарсыластар да осал еместігін байқатты. Қателеспесем, жобаға 3 мыңнан аса өтініш түскен. Жалпы грант саны 30. Бес бағыт бойынша 6 гранттан бөлінді. Кіл мықтының арасында көш бастап, жеңіс тұғырынан көрінгеніме қуаныштымын. Осы жобаның басы-қасында жүріп, қолдау көрсеткен әріптестер, команда бар. Сондықтан, бұл – ортақ жеңіс.

Иә, қомақты қаржы бөлінеді. Маңдай тер мен еңбек ақталып, бұған да қол жеткіздік. Әрі мұны орнымен пайдаланбаушымыз. Стартап компания болған соң команданы жалақымен қамтамасыз ету керек. Сонымен қатар қаржы техникалық құралдарға да жұмсалмақ. Алдағы уақытта әлем деңгейінде жұмыс істейтін алып компания

болсақ деген ниет бар. Ел дамуына үлес қоссақ басты жетістік осы.

– «Болашақ» халықаралық стипендиясының түлегісіз. Негізгі мамандығыңыз қандай? Ал «qBots» компаниясының негізін қалаушы ретінде не айтасыз?

– Иә, Ресейде мемлекеттік қызмет және корпоративтік персоналды басқару мамандығы бойынша білім алдым. Осылайша 2018 жылы магистратураны тәмамдадым. Елге оралған соң мамандығыммен Алматы қаласының әкімдігінде 1 жыл қызмет атқардым. Жұмыс істеп жүріп, жобамен қосымша айналыстым. 2020 жылдан бастап IT саласына қызығушылық танытып, бірқатар жобаны қолға алдым. Соның бірі – «qBots». Қазіргі таңда 10 шақты қызметкер бар. Бірлесіп отырып, 70-тен аса жоба әзірледік. Нарыққа енгеннен 30-35 компаниямен байланыс орнаттық. Техникалық қызмет көрсетіп, тиісті төлемді аламыз. Алғашында телеграм ботты жасақтасақ, қазір бірнеше бағдарламаны іске қосу жоспарда бар.

– Сұхбатыңызға рақмет!

Өңгімелескен
Замира ДАСТАНҚЫЗЫ

Қытайдағы
қазақтар
ана тілді
біле ме?



Дүрбі



АДАМ САУДАСЫ: КӨЛЕҢКЕДЕ КҮН КЕШКЕНДЕР

Адам құқығын бұзудың ең қатал түрі – адам саудасы. XXI ғасырда өмір сүріп жатқан әлемдегі мыңдаған әйелдер, ерлер мен балалар адам саудасының жан түршігерлік қылмысының құрбаны болып жатады. Өткен жылы бұл бағытта бір ғана Қызылорда өңірінде облыстық полиция департаментінің ұйымдасқан қылмысқа қарсы күрес басқармасы қызметкерлерімен 16 қылмыс дерегі анықталған. Басқармасының адам саудасына қарсы күрес бөлімінің аса маңызды істер жөніндегі аға жедел уәкілі, полиция капитаны Сапарәлі Өбдірайымовтың айтуынша бұл әлем алаңдап отырған өзекті мәселе.

Иә, іс жүзінде әр елде жеке адамның бостандығы мен құқығы заңды түрде бекітілген. Дегенмен, адам саудасы қазіргі қоғамдағы ділгір жайт болып қала береді. Осы уақытқа дейін адам саудасы Бангладеште, Бразилияда, Гаитиде, Үндістанда, Пәкістанда, Непалда, Ганада және басқа да бірқатар елдерде кеңінен

байқалыпты. Оның әртүрлі мақсаттары бар, олар: мәжбүрлі еңбек, жыныстық құлдық, органдарды жинау, суррогат ана болу және басқалары.

«Тірі тауарға тосқауыл» көрек

Өкініштісі, құл иеленушілерге қарсы құзырлы органдар тарапынан қолға алынған қарекеттің «тірі тауарға тосқауыл» болмайтыны толық дәлелденіп отыр. Айталық, қылмыстың бұл түрінде еліміздің заңы алдында кінәліні жауапқа тартқызып, жәбірленушінің құқығы қорғалады дегенге күдікпен қарайтындар жетерлік. Бұл сөзімізге дәлел мынау. Республика бойынша, өткен жартыжылдықтың өзінде «11616» нөміріне 837 қоңырау соғылған. Бірақ шалынған қоңырау мен шарқ ұрған шағымның барлығы сотқа жетпеген.



ОБЛЫС ХАЛҚЫНЫҢ 30 ПАЙЫЗЫ ЖАСТАР

Өткен аптада облыс әкімі аппаратының басшысы Шахмардан Баймановтың төрағалығымен жастар ісі жөніндегі кеңестің отырысы өтті. Басқосуда өзекті мәселелер қаралып, жыл қорытындыланды.

– Жастармен адресті жұмысты ұйымдастыру, оларды мемлекеттік бағдарламалар мен жобаларға тарту, әскери-патриоттық тәрбие беру мен бос уақытын тиімді ұйымдастыруда жастар ресурстық орталықтарының орны ерекше. Орталықтар жастарға сапалы әрі нәтижелі қызмет көрсетуі үшін ондағы мамандардың біліктілігін арттырып, қажетті материалдық-техникалық базаны үнемі жақсартып отыру қажет, – деді Шахмардан Байманов.

Бүгінде аймақ халқының 30 пайызға жуығы, 244 мыңнан астам адам – 14-35 аралығындағы жастар.

– Биыл Жастар саясаты туралы заңға өзгертулер мен толықтырулар енгізіліп, нәтижелерді бағалау мақсатында даму индексі енгізілді. Индекс 33 индикатор бойынша білім беру, денсаулық сақтау және әл-ауқат, жұмыспен қамту және мүмкіндіктер, саяси қатысу, азаматтық белсенділік, бос уақыт, инфрақұрылымға қолжетімділік, қауіпсіздік секілді 7 бағытта өлшенеді. Бұл бағыттар бойынша аймағымызда көрсеткіштер оң динамикаға дамуда, – деді облыстық жастар ресурстық орталығының директоры Талғат Тілес.

Айта кетсек, облыстағы 10 жастар ресурстық орталығында

169 маман қызмет көрсетуде.

Кеңестің күн тәртібінде жастар мен жасөспірімдер арасында қылмыстылық пен құқық бұзушылықтың алдын алу мәселесі де қаралды. Бұл бағытта облыстық полиция департаментінің жергілікті полиция қызметі басқармасының бастығы Д.Майрихов баяндама жасады.

– 2023 жылы жастар арасында 616 қылмыс тіркелген. Облыс бойынша тіркелген қылмыстарға 699 жас пен жасөспірім қатысқан. Олардың ішінде 23 мектеп оқушысы, 47 студент, 68 әртүрлі мекемеде мамандардың біліктілігін арттырып, қажетті материалдық-техникалық базаны үнемі жақсартып отыру қажет, – деді Шахмардан Байманов.

Жастардың жұмысқа орналастыру және кәсіпкерлік бастаманы қолдау бойынша басталған істі жалғастыруды тапсырды. Ол жастарды мемлекеттік бағдарламаларға қатысуға тарту бойынша жұмысты жандандыру қажеттігін атап өтті. Сондай-ақ Қызылорда қаласы және аудан әкімдіктеріне, облыстық қоғамдық даму басқармасымен бірлесіп отбасының цифрлық картасы ақпараттық жүйесіндегі peer санатындағы жастардың деректерін жинау жұмысын 2024 жылдың 15 қаңтарына дейін аяқтау тапсырылды.

А.САЙЛАУОВ



Сырқаттансақ, жедел жәрдем қызметіне жүгінеміз. Уақытылы келуін асыға күтеміз. Дер кезінде жасалған ем ауруға айығуға негіз. Осы орайда жедел-жәрдем қызметкерінің бір күніне үңіліп, тыныс-тіршілігін жазуды жөн көрдік.

ЖЕДЕЛ ЖӘРДЕМДЕГІ БІР КҮН

Облыстық жедел жәрдем станциясы фельдшер субординатор Саят Қыстаубаевтың тәжірибесі – 12 жыл. Ол Қызылорда медициналық колледжін емдеу ісі бөлімі, фельдшер мамандығы бойынша бітірген.

– Жұмысым ұнайды. Қиыншылығы көп, дегенмен қызықты сәттері де жетерлік. Бұл салаға келуіме марқұм әжемнің сырқаты, әкемнің жол көрсетуі себепші болды.

Әрине, өзімнің қалауым басты орында.

Ал қызығы жетерлік. Мәселен, 1 сағат ішетін асыңды 3 минутта ішіп шығасың, қараңғыда көмекке барған үйдің аяқ киімін ауыстырып киіп кетесің, есікті ашпай, «Тұра тұрыңыз, төсекке жатып алсын» дейтін кез болады, – дейді ол.

Саяттың бір күні, екінші күннен ерекше өтеді. Күнде неше түрлі тағдырды кездестіреді.

Кейіпкеріміздің сөзінше, ел арасында жедел жәрдем шақырған кезде кешігеді деген түсінік қалыптасқан. Осы төңіректе көптеген қиындық болады. Шақырту көп болады, кейде шақырту түскен бойда шықсаң да жолда түрлі жағдай орын алуы мүмкін.

Бір шақыртуға әр түрлі уақыт кетеді екен. Науқастың жағдайы, ауа райы, жол ұзақтығы, мекен жайын дұрыс беруі барлығы

әсер етеді. Сондықтан тура уақыт қою қиын.

Адам баласының басына төнер қауіп көп. Соның бірі – аяқ астынан болатын жарақат түрлері. Жол-көлік оқиғасында күнделікті тұрмыста, құрылыста, өндірісте, әйтеуір әр жерде, түрлі сипатта, түрлі дәрежеде орын алуы ықтимал. Осындай сәтте жедел жәрдем қызметі шақырылады. Сондықтан жаныңнан табылатын ақ халаттылардың білім білігіне көп дүние байланысты. Тіпті ауруханаға дейінгі



Бүгінде облыстық медициналық жедел жәрдем стансасы күніне 1200-1300-ден аса шақырту қабылдайды. Ал мереке қарсаңы мен демалыс күні бұл көрсеткіш тіпті көбейеді.

Демек, адам саулығын алдыңғы орынға қоятын медицина мамандары қандай құрметке де лайық.

Мәлдір САБЫРЖАН

Медицинаны сонау көшпелі мәдениетте жүріп, зерттел білген қазақ үшін бүгінгі тың жаңалықтың әрбірі қалыпты тәрізді. Өйткені жақсы нәрсеге жанымыз тез үйренеді. Әлем емін таба алмай жүрген талай дертті бие сүтімен емдеп, ағарғанның ақ ниетін байқадық. Өйтсе де, айшылық алыс жерлерден жылдам хабар алғызған ноно технология бізге таңданбақша амал қалдырмай отыр. Сонымен жасанды интеллекттің өлем медицинасына тигізер ықпалы қандай?!

ЖАСАНДЫ ИНТЕЛЛЕКТ ЖӘНЕ МЕДИЦИНА

дәрігерлер де бар. Олар картаны қолданбас бұрын, әуелі электронды есептеуіш машинасымен жұмыс істей алу керек. Сондықтан жер-жерде компьютердің тілін білуге ұмтылған мамандар үшін түрлі деңгейдегі курстар ашыла бастағанын көзіміз көрді. Алғашқыда жұмыс уақытының 6 сағатын осы картаны толтыруға арнады. Ал интернет желісі сөзбен айтқанда керемет, іске келгенде «әттеген-ай» болған біз тәрізді елдерде бұл тіпті қиынға соқты.

«Scripps Research» мекемесінің атқарушы вице-президенті Эрик Тополь мұндай бағыттағы жаңа технологияларды дұрыс меңгеріп, іске дұрыс бағыттағанда ғана тиімді ықпалын көретінімізді айтады. Өйткені ғалам осы бағытқа көшті. Ойлап қараңыз, жасанды интеллекттің ең бастапқы қадамы осы электронды карта болатын. Өдепкіде үрке қарағанымызбен, қазір дәрігердің өзін үйге арнаулы база ақыры шақырып отырмыз.

Осы орайда ең үлкен сұрақ туындайды. Жасанды интеллект дәрігерлердің орнын баса ала ма?! Дамыған ғылым

үдерісі ешкімнің тоқта дегеніне көнбейді. Өйткені көш жүреді, аялдай қалдыңыз ба, көштен қаласыз. Әлемде өзі жүретін автокөліктердің өзі нарыққа шығып жатқанда сіз емханаға бара қалсаңыз, алдыңыздан робот қарсы алса, таңқалмаңыз. Мысалы, АҚШ-та өздігінен жүретін көліктер қолданысқа енгізілсе, 2 миллиондай адам тұрақты жұмысынан қағылуы мүмкін. Десе де, бұл мәселе дәрігерлерге қатысты ма?! Отаны роботтар жасады делік. Құдай сақтасын, ақау шыға қалса, сол қалпыңыздан оянбай қалуыңыз мүмкін ғой.

Жасанды интеллектті дәрігер басқаратыны анық. Өйткені адамзат баласының тарихындағы ең ірі екі мамандық бар. Бірі – дәрігер, екіншісі – мұғалім. Қоғамдағы белсенді азаматтардың

көпшілігі жасанды интеллект осы екі мамандықтың орнын баса алмайтынын, жай ғана көмекші бола алатынын айтады. Өйтсе де, әлемнің танымал кәсіпкері Эндрю Янг бұлған қарсы пікір айтады. Ол

«Қарапайым адамдарға қарсы соғыс» кітабында «автоматтандыру үрдісі дәрігер, заңгер, бухгалтер, қаржы кеңесшісі, трейдер, журналист, тіпті суретші мен психолог секілді мамандықтарға да қауіп төндіреді» деп жазған. Жасанды интеллекттің ең маңызды жақсы жағы: біріншіден, адамдарды жалықтыратын

жұмыстардан жалықпайды және ол үшін үзіліс, демалыс, тынығу керек емес.

Түптеп келгенде, медицинада

жасанды интеллектті аз уақытта көп рентген кескінін қарап шығып, оларды каталогта бар кескіндердің орасан зор санымен салысты-

ратындай күйге апаруға әбден болады. Өйткені мұндай жұмыстарда адамның жиі қателесу қаупі бар. Ал бұл бір жұмыс күшін толтырады және рентгенологқа айтарлықтай көмек болар еді. Алайда алдағы уақытта жасанды интеллект диагностикамен айналысса, рентгенологтар жұмыс жөнінен қиындыққа тап болуы ғажап емес.

Топольді турасын айтты деп отырған боларсыз. Бәлкім, оның пікірімен келіспессіз. Бірақ, Топольдің түсінігінде былай: «Машиналар кей міндеттерді атқару барысында адам баласынан асып түсуі әбден мүмкін. Адамдар машиналардан адамгершілік қасиеттері арқылы ерекшеленеді. Ал науқасқа керегі – дәрігердің мейірімі мен жанашырлығы. Бұл тұста жасанды интеллект дәрігерлерді ауыстыра алмайтыны анық».

Алдына келген науқастың тән жарасымен қоса жан жарасын тануға барынша атсалысып, Гиппократ антына беріктігін байқатып жүрген абзал жандарға жасанды интеллект жай ғана көмекші құрал бола алады. Мәселен, жоғарыда айтқан электронды медициналық карталарды толтыруы мүмкін. Ал науқасқа көбірек көңіл бөлетін қай дәрігерді болсын, робот ешқашан ауыстыра алмайды. Бастысы, көмекші ретінде дәрігердің уақытын тиімді жұмсауына ықпал етеді.

Бала күнімізде пультпен басқаратын теледидар, жарық, автомобиль жай ғана ертегі тәрізді болатын. Қазір әрбіріміздің қолданысымызда. Ендеше жасанды интеллекттің өлемде қарқын алуы елімізге де ену мүмкіндігін көрсетеді.

Дәулет ҚЫРДАН

Бүгінгі таңда көз ілеспес дамыған ғылым да, жаңа технологиялар көңілге күмән ұялатқанмен, уақыт жағынан үнемді екенін айтып жүргендер көп. Әлбетте, соңғы технологияның басқа да түрлерімен көп жағдайда адам өміріне араша түскен ақ халаттылардың ұшан-теңіз еңбегінің арасында ерекше ықпалы бар екеніне көз жеткізіп келеміз. Өйтпесе, мидың қатпар-қатпар қуысында не болып жатқанын басты ашпай-ақ анықтап жатпас та едік?! Ішкі құрылыста бауыр мен бүйректің, өкпе мен жүректің жағдайына қанықпас та едік. Бірақ бір ескерерлігі, жасанды интеллектті де адам басқарады. Ал басқара алмаса тағы қиын.


Мәселен, электронды медициналық карталар. Білім саласындағы электронды күнделік тәрізді бұл да талай дәрігердің өкпе-ренішіне арқау болды. Бұл жайлы «Northwell Health» желісінің президенті Майкл Доулинг өзінің «Денсаулық сақтау саласындағы қайта жүктеу» атты кітабында ерекше тоқталып атап өтеді.

«Ол талай дәрігердің өкпе-назын тудырды. Бұл карталар науқас туралы егжей-тегжейлі мәліметті сақтап, тіпті, бақылап, көріп отыруға зор мүмкіндік береді. Оның бір қиыншылығы бар. Дәрігер науқас қабылдауға арналған уақытының көп бөлігін әлгі картаны толтыруға жібереді. Ең қажетті, маңызды, негізгі мәліметтерді базаға салу ұзақ уақытқа созылып кетуі мүмкін», – дейді ол.

Осы карталар қолданысқа ене бастаған сәтте дәрігерлердің алдында бірнеше мәселе туындады. Оның біріншісі жасы біразға келген, егде тартқан



ОРМАНШЫ БЕЙБІТ



Бейбіт Дүйсенұлы еңбекке араласқалы бері осы салада тынбай төр төгіп жүр. Нәсер-жауынға, борандауылға қарамай дала кезіп, табиғатты қорғап келеді. Ағаштар қорын көбейтуде де атқарған еңбектері ерен. Мұны табиғат-ананың алдындағы борышы санайды.

«Адамзаттың табиғатсыз күні жоқ, оны айтатын табиғаттың тілі жоқ» дегенді адамзат үзбей айтып келеді. Кейде адамдар табиғаттың ата жауы тәрізді, жойқын жауыздықпен әрекет етеді. Иыққа мылтықты іліп, аңды ысырапшылықпен атып, отын көрсек, тамырымен жуламыз. Әйтсе де, бір нәрсені түсіну керек. Өмір бүгінмен тоқтап қалмайды. Жол бойында өсіп тұрған Сыр талы, тораңғыл, терек пен жидені айтпағанда сексеуілдің өзі ездiгiнен шықпайды. Оны да Қызылорда орман және жануарлар дүниесiн қорғау жөнiндегi мемлекеттік мекеме мамандары күннің аптап ыстығы мен өңменіңнен өткен қара суыққа қарамай егіп, өсіріп, қорғап жүр. Соның бірі – Бейбіт Ибадуллаев.

– Ауылдың қарапайым баласымын. Адал еңбектің нанын жеу өмірлік ұстанымыма айналған. Табандылық танытып, айтқанымнан қайтпай осы салаға білек сыбана кірістім. Қазір әріптестерімнің арасында абырой-беделім бар. Тау қопарып, тас жардым деп айта алмаймын, бірақ әрбір жұмысты, мойынға алған міндетті жауапкершілікпен орындап келемін», – дейді ол.

Үнемі елдің сыртында, бекітілген аймақта еңбек етіп жүрген Бейбіт иен далада қонып қалатын кездері бар екенін айтады.

– Еліміздің табиғаты сондай көркем, сондай бай. Аң-құстың, ағаштар мен өсімдіктердің түр-түрін кезіктіресің. Көңілің кекте қалықтаған құс тәрізді көтеріліп, туған жердің төсінде, ата-бабамыздан аманат болған алып далада еңбектеніп жүргеніме қуанамын. Мамандығымды мақтан етемін. Өсірсесе, маңдай терімді төгіп, еңбектеніп, соның жемісін жеп жүргендегі сезім тіпті ерекше. Еңбек адамын құрметтеп, төрге шығаратын осы кезеңде қызметімізді айтып, ерекше алғыс та көрсетіліп жатады. Ондайда ең бірінші, ата-анамның «Адам бол!» деген ақылы ойға оралады, – дейді инспектор.

Бейбіт Дүйсенұлы мекеме басшысы С.Таймановтың арнаулы алғыс хатымен марапатталды. «Орман – еліміздің баға

жетпес байлығы, дәулеті, төңдесі жоқ экологиялық қорымыз» деп ұрандаған саланың ел ішінде атқарып жатқан осындай ұшан-теңіз еңбегі бар. Әрине, марапат та жақсы, бірақ ең әуелі халықтың алғысы басты орында тұрады. Бейбіттің ұстанымы да осы..

Жыл бойы тыным таппайтын еңбеккерлер сексеуіл егеді, оны қоршайды. Терек, жиде, қара тал тәрізді ағаштардың бұтақтарынан қаламша жасап, оны мұз қалашыққа көмеді де, көктемде апарып отырғызады. Кәдімгі бағбан. Кейде оларды орманшы демеі, бағбан дегің келеді.

– Айналаңыз жап-жасыл талмен көмкеріліп, жүрген жолыңыздың екі бетінде сексеуіл жайқалып тұрса, керемет емес пе?! Жазда аптап ыстықтан қорғайды, қыста ық болады. Ал кейде тіпті қардың жолға жиналуына кедергі болып, суықты да ұстап тұрады. Сондықтан ағаштарға тек отын ретінде қарау – ақымақтық. Табиғатты аялайық, оның қадірін түсінейік, – дейді табиғат жанашыры.

Таң рауандап атпай жатып, Бейбіт келігін оталдырып, жұмысқа қамданып жатыр. Иә, жұмысының жауапкершілігі жоғары. Табиғат-ананы алақанда аялап, оны күтіп-баптауды мойынға алып, өз міндетін мүлтіксіз орындап жүр.



Дәулет ҚЫРДАН



СЫРБОЙЫЛЫҚ ЗИЯТКЕРДІҢ ЖҮЛДЕСІ



Қызылорда қаласындағы Назарбаев Зияткерлік мектебінің оқушысы Нұрислам Дамирұлы республикалық лингвистикалық олимпиаданың қорытындысы бойынша III орын иеленді.

Еліміздің 8-11-сынып оқушыларын жинаған ұлттық зияткерлік сайыста қатысушылар қолданбалы филология бағытында білімін сынады. Өртүрлі лингвистикалық тапсырмаларды орындай отырып, тіл саласындағы өзекті мәселелер бойынша өз тұжырымын жасады.

Зияткерлік мектептің намысын қорғаған Нұрислам Дамирұлы қарсыластарынан оза шауып, қоладан медаль тақты.

– Бұл олимпиада лингвистикалық білімнен гөрі логика мен сыни ойлауды қажет етеді. Мен үшін тапсырмалар қызықты болды. Тіл саласындағы білім көкжиегімді кеңейте түсті, – дейді ол.

ОЛИМПИАДА БАСТАЛДЫ



Жалпы білім беретін пәндер бойынша республикалық олимпиаданың облыстық кезеңі басталды. Жаратылыстану-математикалық және қоғамдық-гуманитарлық бағыттар негізінде 13 пән бойынша өткізіледі.

Облыстық кезеңге Қызылорда облысынан 448 оқушы қатысты. Пәндік олимпиада дәстүрлі форматта екі турда өткізіледі. 2024 жылғы 4 қаңтар күні бірінші туры, 5 қаңтар күні екінші туры өткізілді.

Ашықтық пен академиялық адалдықты сақтау мақсатында олимпиаданың өту процесі онлайн режимде бейнебақылау жүйесімен қамтамасыз етілген.

NIS: ЖАҢА ӘДІСТЕМЕ



Қызылорда қаласындағы Зияткерлік мектеп ұстаздары Кармақшы ауданындағы Т.Көмекбаев атындағы №250, Арал ауданындағы Ж.Өбдірашев атындағы №62, Жаңақорған ауданындағы №286 мектептерге барып, кезекті әдістемелік қолдау білдірді.

Сапар барысында оқу үдерісінде сандық ресурстарды тиімді қолдану бойынша практикұмдар ұйымдастырылды. NIS педагогтері ауыл ұстаздарына сыныпта оқу экраны ретінде пайдалануға болатын – Classroomscreen, қысқа уақыт ішінде тест тапсырмаларының үлкен көлемін тексеруге көмектесетін – ZipGrade қосымшасының жұмыс істеу үдерісін үйретіп, Google платформасының мүмкіндіктерін таныстырды. Қатысушылар бұл қосымшалардың сабақты өткізу және оқушы жұмысын бағалау кезінде ыңғайлы және тиімді екенін атап өтті.

Ал Зияткерлік мектептің зерттеушілер тобы әріптестеріне Action Research және Lesson study зерттеушілік тәжірибелерімен бөлісті.

Педагог-кураторлар жүргізген практикұмда қатысушылар тәрбие бағытындағы танымдық жобаларды жүргізуді ұйымдастыру және «100 кітап» жобасы арқылы оқушылардың оқу мәдениетін арттыру бойынша біліктілігін арттырды.



Шаңырақтың шырайын кіргізетін шарананың інғалаған дауысы. Он екі мүшесі сау, жүрек соғысы қалыпты сәбиді өмірге әкелу әрбір ата-ананың тілегі. Тоғыз ай көтеріп, толғақтың жаңа жылмен тұспа-тұс келуі ерекше, әрине. Мұндайда жарық дүние есігін ашқан сәбиді де сүйіншілеу тым бөлек болар. Күні кеше ғана халық саны 20


млн-ға жеткенін жарыса жазып, төбеміз көкке жеткені рас. Жаңа жыл қарсаңындағы көрсеткіш те жаман емес. Деректерге сүйенсек, республика перзентханаларында 191 сәби, 101 ұл және 90 қыз дүниеге келген. Көш басында Түркістан облысы тұр. Ал Шымкентте 38, Алматыда 22 бала туылып, ата-анасын бақытқа бөледі. Өңірімізде де мереке мезетінде сәби сүйген отбасылар бар.

– Облыс бойынша жалпы саны 9 нәресте дүниеге келді. Оның 4-еуі облыстық перинаталдық орталықта туылса, қалған 5-еуі облыс

басқармасының ана мен бала денсаулығын қорғау бөлімінің басшысы Айгүл Төлегенова.

Жүрегінің астында сәби тыныстағаның сезу ана үшін бақыт. Өлемді әлдиімен тербеткен аналардың пікірін білген өдік. Толқынысы мен қуанышын жасырмай, бүкпесіз ойын жеткізді.

– Қыз бала босандым. Бұл – үшінші сәбіім. Аман-есен босанып, бауырыма бастым. Жаңа жылда



сыйластықтың рөлі зор. Мұндай бақыт құрсақтағы сәбиге де әсер етеді. Жыл басы ғажайыпқа толы болды. Нәрестемді құшағыма алып, мез-мейраммын. Бұндай сезімді сөзбен айтып жеткізу мүмкін емес. Әкесі ұлымыздың есімін Шаһкәрім деп қойды. Шәкәрім Құдайбердіұлы атасындай халқына жақын, дана, дара болсын деді. Ырымға мән берген халықпыз ғой. Баламның болашағы жарқын болатынына сенемін, – деді ол.

Ізгілік пен ізетті, сый мен құрметті тең ұстап, әулеттің жолын жалғайтын ұрпақ көбейе берсін. Саналы ұрпақ ұлт болашағы екені даусыз.

ДҮНИЕГЕ КОШ КЕЛДІН. НӘРЕСТЕ!

деңгейіндегі босану бөлімшелерінде дүниеге келді. Дүниеге келген сәбилердің 5-еуі ұл бала, 4-еуі қыз бала. Қазіргі таңда жағдайлары жақсы. Дәрігерлердің бақылауында, – деді облыстық денсаулық сақтау

әулетімізге Алланың берген сыйы болды. Әкесі «есімін өзім қоямын» деп, үлкендердің алдынан өтіп, Асылым деп атады. Өзім 1991 жылғымын. Негізі Арал ауданы, Сексеуіл ауылынанбыз, жұмыс бабымен осында орналастық, – дейді Гүлбану Айымбетова. Жанұяның жарасымды болғаны жақсы. Ымырамен ынтымақтың да артатыны анық. Бұған Гүлбақша Дауқараеваның сөзі дәлел.

– Отбасындағы татулық пен

